

Broj: 01-01.3-1695-4/19 S.L.

Datum: 09.05.2019. godine

Za: **Svim ponuđačima koji su preuzeli Poziv za dostavu ponuda za nabavku usluga: "Sistematski pregledi"**

Predmet: **Odgovori na pitanja**

U skladu sa tačkom 4. stav 2. Poziva za dostavu ponuda dostavljamo Odgovore na postavljena pitanja:

**Pitanje broj 1:**

U slučaju da bi dio posla izvršavali mi kao ponuđač (xxx) a drugi dio posla bi radila druga poliklinika (u Mostaru) te osiguravajuće društvo, molim Vas za informaciju na koji način se trebamo prijaviti za učešće. Da li idemo kao grupa ponuđača ili (xxx) kao ponuđač a druga poliklinika i Osiguravajuća kuća kao podugovarači?

**Odgovor broj 1:**

U skladu sa tačkom 7.3. poziva za dostavu ponuda gdje je između ostaloga navedeno:  
*„Više ponuđača može se udružiti i dostaviti zajedničku ponudu, neovisno o uređenju njihova međusobnog odnosa. Odgovornost ponuđača iz grupe ponuđača je solidarna. U zajedničkoj ponudi mora biti navedeno koji će dio ugovora o javnoj nabavci (predmet, količina, vrijednost i procentualni iznos od ukupne vrijednosti) izvršavati pojedini član grupe ponuđača.*

7.3.1 Ugovorni organ će ocjenu ispunjenosti kvalifikacionih uvjeta od strane grupe ponuđača izvršiti na slijedeći način:

- grupa ponuđača kao cjelina mora ispuniti uvjete koji su navedeni u tački 7.2 ovog poziva, te članovi grupe ponuđača moraju dostaviti dokumentaciju kojom dokazuju ispunjavanje postavljenih uvjeta, na način na koji je predviđeno da se dostavljaju dokazi;
- uvjete koji su navedeni pod tačkom 7.1.1 i tačkom 6. ovog poziva mora ispunjavati svaki član grupe ponuđača pojedinačno, te svaki od članova grupe ponuđača mora dostaviti dokumentaciju kojom dokazuje ispunjavanje postavljenih uvjeta, na način na koji je predviđeno da se dostavljaju dokazi; “

Nadalje, u skladu sa napomenama u tački 7.2.2. poziva u kojima stoji:

**„Napomena:** Ponuđač može u ponudi naznačiti **da raspolože kapacitetima drugih subjekata**, bez obzira na pravnu prirodu odnosa koji s njima ima. U tom slučaju, mora dokazati da će na raspolaganju imati potrebne resurse nužne za izvršenje ugovora (obostrano potpisanim ugovorom, sporazumom, izjavom ili sl. iz kojih će nedvojbeno biti jasno da će navedeni resursi biti stavljeni na





raspolaganje ponuđaču). Npr ukoliko ponuđači nastupaju kao Grupa ponuđača, Grupa ponuđača se može osloniti na sposobnost članica grupe ponuđača ili drugih subjekata. Ponuđač može dio usluga i radova podugovoriti. (Dokument koga dostavlja ponuđač mora sadržavati naziv i sjedište privrednog subjekta, jasno i tačno navedene resurse koje stavlja na raspolaganje ponuđaču u svrhu realiziranja ugovora, vrstu i opis radova ili usluga koje će taj privredni subjekt vršiti u sklopu realiziranja ugovora koji je predmet ove nabavke, te potpis osobe ovlaštene za zastupanje privrednog subjekta koji resurse stavlja na raspolaganje).“

**“Napomena:**

**Ponuđač mora biti u mogućnosti pružati iste usluge, te imati na raspolaganju svu traženu opremu i sve traženo ključno osoblje na oba lokaliteta pružanja usluge (Mostar i Sarajevo).”**

i u skladu sa točkom 7.4.1 poziva u kojoj stoji:

„Ponuđačima je dozvoljeno podugovaranje. Ponuđači trebaju u obrascu za dostavljanje ponude Aneks 2 navesti da li namjeravaju sklapati podugovor sa trećom stranom.

U slučaju podugovaranja, odgovornost za uredno izvršavanje ugovora snosi izabrani ponuđač.“

Dakle, na osnovu svega navedenog, više privrednih subjekata se može udružiti u grupu ponuđača (konzorcij) i dostaviti zajedničku ponudu ili jedan privredni subjekt može dostaviti ponudu samostalno, a dio usluga podugovoriti. Ugovorni organ ne određuje niti preferira način na koji će privredni subjekti dostaviti svoje ponude (da li kao grupa ponuđača ili samostalno, uz podugovaranje dijela usluga).

Ponuđač je dužan, bilo da učestvuje u postupku samostalno ili kao član grupe ponuđača, dokazati da ispunjava sve uvjete zadane u pozivu za dostavljanje ponuda, tj. da će biti u mogućnosti pružati predmetne usluge, te imati na raspolaganju svu traženu opremu i sve traženo ključno osoblje na oba lokaliteta pružanja usluge (Mostar i Sarajevo).

Ono što je bitno istaći jeste da ukoliko ponudu dostavlja grupa ponuđača, odgovornost članova grupe je pojedinačna za svakog člana grupe ponuđača, kao i solidarna odgovornost između članova grupe ponuđača, dok u slučaju podugovaranja, ponuđač odnosno pružalac usluge kojem je dodjeljen ugovor snosi punu odgovornost za realizaciju ugovora.

Također, ukoliko ponudu dostavlja grupa ponuđača, uvjete propisane u tački 7.2 poziva za dostavu ponude grupa ponuđača mora ispuniti kao cjelina, dok uvjete iz tačke 7.1.1 i tačke 6 poziva mora ispunjavati svaki od članova grupe pojedinačno, kao što je navedeno u naprijed citiranoj tački 7.3.1.

U slučaju podugovaranja, ponuđači su obavezni (u slučaju da imaju namjeru dio usluga podugovoriti) u Izjavi ponuđača (Aneks 2), tačka 8, navesti dio ugovora koji se namjerava podugovarati i naziv i sjedište podugovarača (opciono). Ponuđač koji ima namjeru izvršenje dijela usluga prenijeti na treća lica (podugovoriti) ne dostavlja u sklopu ponude kvalifikacione dokumente za podugovarača, ali ugovorni organ ima pravo da u kasnijoj fazi provjeri kvalifikaciju podugovarača, a u skladu sa članom 73. stav (1) Zakona o javnim nabavkama (“Službeni glasnik BiH” broj: 39/14) koji propisuje: “Ponuđač kojem je dodjeljen ugovor neće sklapati podugovor n o jednom dijelu ugovora bez prethodnog pismenog odobrenja ugovornog organa. Elementi ugovora koji se podugovaraju i identitet podugovarača obavezno se saopćavaju ugovornom organu blagovremeno, prije sklapanja podugovora. Ugovorni organ može izvršiti provjeru kvalifikacija podugovarača u skladu sa članom 44. Ovog zakona i obavijestiti dobavljača o svojoj odluci najkasnije u roku od 15 dana od dana prijema obavještenja o podugovaraču. U slučaju odbijanja podugovarača, ugovorni organ dužan je navesti objektivne razloge odbijanja”.

Shodno naprijed navedenom, naglašavamo još jednom, da ponuđači sami odlučuju da li će svoju ponudu dostaviti kao ponuđač (sa podugovaračem) ili kao grupa ponuđača vodeći računa da njihova ponuda ispunjava sve uvjete propisane predmetnim pozivom za dostavu ponuda.



## Pitanje broj 2:

Na strani 4/31 u stavu 7.2.2. navodi se da je ponuđač dužan dostaviti potvrdu (za ugovor u vrijednosti od minimalno 50.000,00 KM za pružanje usluga sistematskog pregleda). Da li to podrazumjeva jedan ugovor sa jednim naručiteljem usluga ili se može dostaviti više ugovora koji ukupno iznose 50.000,00 ili više (npr. jedan ugovor od 40.000,00 i drugi od 15.000 KM)?

## Odgovor broj 2:

U skladu sa točkom 7.2.1 a) poziva za dostavu ponuda gdje između ostaloga stoji "a) *uspješno iskustvo u realizaciji najmanje jednog ugovora, čiji je karakter i obim isti ili sličan uslugama, koje su predmet nabavke u minimalnom iznosu od 50.000,00 KM u prethodne tri godine;*" i 7.2.2. gdje između ostaloga stoji "....*Uz spisak izvršenih ugovora ponuđač je dužan dostaviti potvrdu (za ugovor u vrijednosti od minimalno 50.000,00 KM za pružanje usluga sistematskog pregleda).*"

Dakle, u skladu sa uvjetima i dokazima navedenim u Pozivu za dostavljanje ponuda zahtjevan je jedan uspješno izvršen ugovor u vrijednosti 50.000,00 KM u protekle tri godine, te ponuđači, da bi ispunili navedeni uvjet, ne mogu dostavljati više ugovora u zbirnoj vrijednosti od 50.000KM da bi ispunili navedeni uvjet, traži se jedna potvrda o uspješno izvršenom ugovoru koja glasi na spomenuti iznos.

direktor:

Adnan Terzić, dipl.ing.



Dostaviti:

- Naslovu
- a/a



Identifikacijski broj 4227691540005 PDV broj 227691540005  
Glavni račun: Union banka Sarajevo 102001000014039  
Transakcijski račun: Raiffeisen bank dd Sarajevo, glavna filijala Mostar 1610200062470038  
Federalna taksa za korištenje autoceste: 1610200062470232 i 3386902296565422  
Naknada za korištenje cestovnog zemljišta: 1610200062470135 i 33869022965654549  
Registrovano u Općinskom sudu u Mostaru, MBS 58-01-0179-10

12.